


- R, R, R Cerebellum tenui adhuc obductum membrana.  
 S, S, etc. Vasa uenarum modo tenuem cerebelli membranam implicantia.  
 T, T Propagines uasorum tenuem cerebelli membranam implicantium, ad eas producta arterias, quæ secundum dextri & sinistri cerebri uentriculorum posteriora sursum cõscendunt plexus efformaturæ, quos extimo foetus in uolucro dissectionis proceres contulerunt.  
 V, V Dura membrana portio, quæ superiorem cerebelli sedem à cerebro dirimebat.  
 X, X Propagines notantur à uasis, dictam nuper duræ membrana portione implicantibus, in tenuem membranam qua cerebellum uestitur excurrentes.  
 Z, Z Idem hic Z & Z notant, atque in septima figura, duram uidelicet cerebri membranam ossi adnatam, in quod auditus organum reponitur.

## NONA SEPTIMI LIBRI FIGURA.




NONAE FIGURAE, EIVSDEMQUE CHARACTERUM INDEX.

IN hac figura eadem cerebri portio, quæ in octaua seruatur. uerum præsens figura in faciem prorsus reposita, eam duræ membranae partem abscissam habet, quæ cerebrum à cerebello dirimit. deinde cerebellum hic deorsum è sua caluarie sede manibus protractum, ac deorsum modice inuersum propendit, ut ipsius regio caluarie alias contigua, oculis subijceretur, & dorsalis medullæ cavitates uideretur, alteram partem quarti uentriculi constituens. Ad hæc, præter uenarum quarundam & neruorum progressus, etiam primus & secundus duræ membranae sinu hic aperti ad amussim exprimuntur.

- A, A Cerebri portio adhuc in caluarie amplitudine reliqua, atque hic in sua sede adhuc asseruata.  
 B, C, D Tribus his characteribus cerebellum deorsum ex sua sede reflexum indicatur, tenui membrana adhuc inuolutum, ac dorsali medullæ connatū. Verum B priuatim cerebelli dextram indicat sedem, caluarie sinui P notando correspondentem. D uero sinistram, quæ illi caluarie sedi insidet,

- insidet, cui R inscribam. C autem cerebelli media pars insignitur, uermi non ab similibus, & suis finibus eos constituens processus, quos uermium imagini ueteres compararunt.  
 E Posterior terminus mediæ partis cerebelli, qui uermiformi processui posteriori mihi recte scilicet.  
 F, G, H Dorsalis medullæ pars adhuc in caluarie consistens, ac F & G huius partis seu dorsalis medullæ sedes indicant, quibus cerebellum cõnascitur. H uero sedem dorsalis medullæ significat, è caluarie amplitudine procidentem.  
 I Sinus dorsalis medullæ calami quo scribimus mucroni non ab similibus, ac mediæ cavitatem constituens communis uentriculi dorsalis medullæ & cerebelli: quam quartum cerebri uentriculū dissectionis periti uocarunt.  
 K Vasa ductus uenæ quæ simillimi, hæc in cerebellum ab illis uasis pertinentes, quæ in primum & secundum duræ membranae sinus exhauriuntur, atque ut hi ductus frequentes admodum sunt, ita etiam non semper pari propagantur serie.  
 L Et hæc quoque ductus uenæ similis in tenuem cerebelli membranam pertinet, ab illis uasis quæ hac in parte duram cerebri membranam intertextunt.  
 M Quintum cerebri neruorum par.  
 N Sextum cerebri neruorum par.  
 O Septimum par neruorum cerebri. atque hic uidere est quot surculis duo postrema cerebri neruorum paria principium à dorsali medulla, nequaquam uero à cerebello, ducant.  
 P, Q, R Sinus occipitis ossis, quibus correspondet cerebelli figura. nam P cerebello inscriptum, B congruit. Q autem, C. R uero, D.  
 S, S, S Dexter seu primus duræ membranae sinus, hic cultelli mucrone adaptus.  
 T, T, T Sinister seu secundus duræ membranae sinus, atque in nulla cerebri delineatione, horum sinuum ductus ita conspicue ac in præfenti oculis subijcitur.

## DECIMA SEPTIMI LIBRI FIGURA.



DECIMAE FIGURAE, EIVSDEMQUE CHARACTERUM INDEX.

HAC figura eam cerebri portionem expressimus, quæ dorsalis medullæ educit initium: deinde cerebellum à dorsalis medullæ hic conspicua parte ademptum est, & cerebri testes, & nates, et glans pineæ nucis imaginem referens, ac postremo cavitates ea dorsalis medullæ quæ cum cerebelli cavitatibus quartum cerebri efformat uentriculum, hic pariter exprimuntur.

- A, A Cerebri pars dorsalem producens medullam.  
 B Meatus ex tertio cerebri uentriculo in quartum sub cerebri natibus tendens, cuius terminum in C. quartum pertinentem uentriculum C insigniui.  
 D Glans cerebri, nucis pineæ imagini à dissectionis professoribus assimilata.  
 E, F, G, H His characteribus cerebri testes ac nates indicantur. uidetur namque dissectionis proceres gratia lineæ inter E ac F, et inter G et H cõspicua, superiora tubera E & G insignita ab inferioribus F & G notatis distinxisse, ac superiora testes uocauisse, quod illis glans penis quasi modo incumbit. Inferiora autem nates uocantur, quod meatus ex tertio uentriculo in quartum per-